

VENDIM
Nr.512, datë 13.5.2009

**PËR MIRATIMIN E AUTORIZIMIT PËR NDËRTIMIN E CENTRALIT ELEKTRIK ME
ERË (PARQE EOLIKE), PËR “ENPOWER ALBANIA”, SHPK**

Në mbështetje të nenit 100 të Kushtetutës dhe të pikës 2 të nenit 34/1 të ligjit nr.9072, datë 22.5.2003 “Për sektorin e energjisë elektrike”, të ndryshuar, me propozimin e Ministrit të Ekonomisë, Tregtisë dhe Energjetikës, Këshilli i Ministrave

VENDOSI:

1. Miratimin e autorizimit për ndërtimin e centralit elektrik me erë (parqe eolike), të vendosura në gadishullin e Karaburunit, malet “Rrëzë e Kanalit” dhe malet Lungarë, sipas koordinatave të zonave të përcaktuara në hartën, që i bashkëlidhet këtij vendimi, për “Enpower Albania”, sh.p.k., filial në Shqipëri i “Moncada Energy Group”, Srl, Itali, me seli në adresën: rruga “Nikolla Tupe”, nr.5/1, Tiranë, Shqipëri, regjistruar në regjistrin tregtar pranë Qendrës Kombëtare të Regjistrimit, mbajtëse e NUIS K72312008, sipas tekstit, që i bashkëlidhet këtij vendimi.

2. Ngarkohet Ministria e Ekonomisë, Tregtisë dhe Energjetikës për zbatimin e këtij vendimi.
Ky vendim hyn në fuqi pas botimit në Fletoren Zyrtare.

KRYEMINISTRI
Sali Berisha



REPUBLIKA E SHQIPËRISË
MINISTRIA E EKONOMISË, TREGTISË DHE ENERGJETIKËS

AUTORIZIM

Nr. _____ datë _____, 2009

PËR NDËRTIMIN E CENTRALIT ELEKTRIK ME ERË
(PARQË EOLIKE) NGA SHOQËRIA ENPOWER ALBANIA SHPK

Në mbështetje të pikës 1 të nenit 34/1 të ligjit nr. 9072, datë 22.5.2003 "Për sektorin e energjisë elektrike", të ndryshuar, dhe në mbështetje të Vendimit të Këshillit të Ministrave nr. 1701 datë 17.12.2008 "Për miratimin e rregullores për procedurat e dhënies së autorizimeve, për ndërtimin e objekteve të reja gjeneruese të energjisë që nuk janë objekt koncesioni",

Duke pasur parasysh se:

- a. Shoqëria Enpower Albania shpk është pajisur me Autorizimin paraprak Nr. 1, datë 24.03.2009.
- b. OST Sh.a. ka miratuar skemën dhe piken e lidhjes së centralit elektrik me erë (parqeve eolike) me Sistemin Elektro-Energjetik Shqiptar me shkresën me Nr. 260/1 Prot. datë 22.09.2008;
- c. Shoqëria Enpower Albania Shpk ka përfunduar studimin e projektit të fizibilitetit teknik ekonomik, financiar dhe mjedisor e social bazuar në të dhënat dhe matje reale të kryera në zonat e zbatimit të projektit.
- d. Centrali elektrik me erë (parqet eolike) nuk cënon zonat të mbrojtura dhe është pajisur me të gjitha lejet mjedisore miratuar me Vendimin nr. 14 të Komisionit të Lejeve, nr. 625 Prot., datë 19.12.2007 nga Ministria e Mjedisit, Pyjeve dhe Administrimit të Ujërave, dhe Pëlqimet Mjedisore me Vendimin Nr. 3 me Nr. 12; 13; 14; 15; 16; 17 Prot. datë 29.05.2008 prej Agjensisë Rajonale Mjedisore – Qarku Vlorë;
- e. Këshillit të Ministrave, me anë të Vendimit të Nr. 1146, datë 05.08.2008 "Për heqjen e disa ngastrave nga fondi pyjor dhe kullësor, që do të përdoren për vendosjen e anemometrave, të nënstacioneve, për infrastrukturën lidhesh elektrike, për aerogeneratorët, shtyllat e tensionit të lartë, si dhe për rrugët lidhëse me aerogeneratorët", ka hequr nga fondi pyjor dhe kullësor sipërfaqen e tokës ku do të ndërtohet parku gjenerues energjetik me erë.

Ministria e Ekonomisë, Tregtisë dhe Energjetikës autorizon Shoqërinë Enpower Albania Shpk, filial në Shqipëri i "Moncada Energy Group" srl në Itali, shoqëri me përgjegjësi të kufizuar, me seli në adresën Rr. "Nikolla Tupa", Nr. 5/1, Tiranë, Shqipëri, regjistruar në Regjistrin Tregtar pranë Qendrës Kombëtare të Regjistrimit, mbajtëse e NUIS K72312008Q, për ndërtimin e centralit elektrik me erë nga parqet eolike të vendosura në Gadishullin Karaburun, Malet Rrëzë e Kanalit dhe Malet Lungarë.

1. Vendndodhja e centralit elektrik me erë është e përcaktuar sipas koordinatave të zonave të paraqitura në hartën bashkelidhur këtij vendimi, në përputhje me Vendimin e Këshillit të Ministrave nr. 1146, datë 05.08.2008, dhe dokumentacionit të paraqitur paraprakisht nga shoqëria për aplikimin për autorizim (Gadishulli i Karaburunit, Malet Rrëzë e Kanalit dhe Malet Lungarë), si dhe Vendimit nr. 1, datë 01.12.2008 të Këshillit të Rregullimit të Territorit të Republikës së Shqipërisë “Për miratimin e Detyrës së Projektimit dhe Master Planit të ndërtimit të parqeve eolike dhe linjës së interkonjeksionit, në Qarkun Vlorë”.
2. Energjia e prodhuar nga centrali elektrik me erë do të tranzitohet në Itali nëpërmjet linjës së interkonjeksionit e cila do të ndërtohet nga shoqëria Interconnector Albania Shpk gjithashtu filial në Shqipëri i Moncada Energy Group në Itali.
3. Enpower Albania shpk autorizohet për ndërtimin e centralit elektrik me erë (parqe eolike) me karakteristikat e mëposhtme:
 - i. central prodhimi energjie elektrike nga burimi i rinovueshëm i erës;
 - ii. fuqi totale e instaluar 500 MW;
 - iii. 250 njësi gjeneruese (aerogjenerator) me kapacitet 2MW secila;
 - iv. energjia bruto e parashikuar të prodhohet është 1.046.520,0 [MWh/vit] në piken dalëse nga aerogjenerator, kurse energjia neto 950.000,0 [MWh/vit] në piken e futjes në rrjetin e transmetimit italian;
4. Shoqëria Enpower Albania shpk do të përfundojë ndërtimin e parqeve eolike në Dhjetor 2014.
5. Koha e realizimit të projektit të zbatimit është 6 (gjashtë) muaj nga hyrja në fuqi e këtij vendimi.
6. Enpower Albania Shpk është e detyruar të raportojë çdo tre muaj pranë ministrisë përgjegjëse për energjinë mbi ecurinë e ndërtimit të centralit elektrik me erë. Ministria përgjegjëse për energjinë ka të drejtë të kërkojë Enpower Albania Shpk çdo informacion që e konsideron të nevojshëm lidhur me zbatimin e kushteve të këtij autorizimi dhe projektit në teresinë e tij.
7. Brenda 30 ditëve nga data e hyrjes në fuqi të këtij autorizimi, midis Enpower Albania Shpk dhe ministrisë përgjegjëse për energjinë do të lidhet një kontratë lidhur me afatet e realizimit të projektit të centralit elektrik me erë dhe penalitetet në rast mosrealizimi në kohë apo transferimi të autorizimit.
8. Ministria përgjegjëse për energjinë nënshkruan një kontratë me “Enpower Albania” sh.p.k. për formën dhe mënyrën e përdorimit të sipërfaqes së tokës, sipas koordinatave të miratuara me VKM Nr. 1146, datë 05.08.2008 “Për heqjen e disa ngastrave nga fondi pyjor dhe kullësor, që do të përdoren për vendosjen e anemometrave, të nënstacioneve, për infrastrukturën lidhesh elektrike, për aerogjeneratorët, shtyllat e tensionit të lartë, si dhe për rrugët lidhëse me aerogjeneratorët”.
9. Enpower Albania Shpk do të paguajë çdo vit Ministrisë përgjegjëse për energjinë një *royalty* të barabartë me sasinë e energjisë prej 2% të sasisë vjetore të prodhimit, ose vlerën ekuivalente në Lek të sasisë prej 2% të energjisë vjetore neto të prodhuar, sipas çmimit të tregut, si dhe çdo përfitim tjetër që shoqëria Enpower Albania shpk do të ketë nga prodhimi i kësaj energjie, duke

përfshirë por pa u limituar në të drejtat që rrjedhin nga reduktimi i karbonit dhe gazrave të tjerë në atmosferë.

10. Në zbatim të nenit 25 të ligjit nr. 9072, datë 22.5.2003 "Për sektorin e energjisë elektrike", të ndryshuar, shoqëria "Enpower Albania" sh.p.k. është e detyruar që, me kërkesën e furnizuesit publik, të jap deri në 10% të sasisë së prodhimit vjetor nga centrali elektrik me erë për furnizuesin publik në Shqipëri.
11. Shoqërisë i rezervohet një zonë buferike me një rreze prej 1000 metrash nga kufiri i parkut sipas koordinatave të zonës ku pozicionohen komponentët, bashkëngjitur këtij vendimi.
12. Autorizimi mund të revokohet nga ministria përgjegjëse për energjinë në rastet e mëposhtme:
 - a) me kërkesë me shkrim të Enpower Albania Shpk, për raste të veçanta të justifikuara;
 - b) Enpower Albania Shpk nuk respekton detyrimet dhe kriteret e përcaktuara në kete autorizim.
 - c) Enpower Albania Shpk, për arsye të shkaktuara nga ajo vetë nuk ka respektuar programin e punimeve, dhe brenda 30 ditëve nga njoftimi prej ministrisë përgjegjëse për energjinë, nuk paraqet arsyet për mosrealizimin e detyrës dhe nuk paraqet masat që do të ndërmerren për të përfunduar centralin elektrik me erë në datën e përcaktuar;
 - d) Enpower Albania nuk respekton detyrimin për informimin si parashikohet në pikën 10 të këtij autorizimi dhe nëse brenda një afati prej 15 ditësh nga data e njoftimit paraprak nga ministria përgjegjëse për energjinë nuk dërgon informacionin e kërkuar;
 - e) në të gjitha rastet e tjera të parashikuara nga VKM nr. 1701 datë 17.12.2008 "Për miratimin e rregullores për procedurat e dhënies së autorizimeve, për ndërtimin e objekteve të reja gjeneruese të energjisë që nuk janë objekt koncesioni".
13. Kohëzgjatja e këtij autorizimi është 30 vjet duke filluar nga data e hyrjes në fuqi të këtij autorizimi.
14. Ky autorizim hyn në fuqi pas miratimit nga Këshilli i Ministrave.

MINISTRI

GENC RULI

KRONOPROGRAM | PLUNNEVE WIND FARM

IMPACTUL BOLII (VINDOȘBUR ME KARABURULU, MALET PROSEA E KARANT DHR LONGARE		1	2	3	4	5	6	7	8	9	10	11	12	13	14	15	16	17	18	19	20	21	22	23	24	25	26	27	28	29	30	31	32	33	34	35	36	37	38	39	40	41	42	43	44	45	46	47	48	49	50	51	52	53	54	55	56	57	58	59	60	61	62	63	64	65	66	67	68	69	70	71	72	73	74	75
NLAJ.I		Inital: 2006																																																																										
		sept. 2009																																																																										
		sept. 2010																																																																										
		Inital: 2012																																																																										
		sept. 2014																																																																										
75	Master plan																																																																											
3	Lapte stihali																																																																											
3	Lapte stihali																																																																											
3	Revenia a subteranea																																																																											
12	Studii antropometrice																																																																											
9	Designul i transformarea dintr-un proiectare																																																																											
6	Inventariul din proiectarea dintr-un proiectare																																																																											
17	Controlul dintr-un proiectare																																																																											
36	Revenia a subteranea																																																																											
10	Proiectarea a transformarea (Revenia, transformarea, transformarea, transformarea, ...)																																																																											
17	Proiectarea dintr-un proiectare																																																																											
13	Revenia a subteranea																																																																											
13	Revenia a subteranea																																																																											
8	Revenia a subteranea																																																																											
10	Revenia a subteranea																																																																											
13	Revenia a subteranea																																																																											
8	Revenia a subteranea																																																																											
6	Revenia a subteranea																																																																											
6	Revenia a subteranea																																																																											
6	Revenia a subteranea																																																																											
6	Revenia a subteranea																																																																											

